


Jan. 5438







Jun 5438

QUAESTIONES JURIDICAE  
INAUGURALES,

Q U A S,

FAVENTE SUMMO NUMINE,

*Ex Auctoritate* RECTORIS MAGNIFICI  
HENR. WILH. TYDEMAN,

*Jur. Utr. Doct., Juris Civilis & Hodierni*  
*Profesforis Ordinarii,*

N E C   N O N

AMPLISSIMI SENATUS ACADEMICI CONSENSU,  
ADSTIPULANTE NOBILISSIMA FACULTATE  
JURIDICA,

PRO GRADU DOCTORATUS,  
SUMMISQUE IN UTROQUE JURE HONORI-  
BUS AC PRIVILEGIIS RITE ET LEGI-  
TIME CONSEQUENDIS,

*Eruditorum Examinei submittit*  
CORNELIUS JACOBUS VAN ASSEN,  
HARLINGA-FRISIUS.

*A. D. xlv / Septembris MDCCCx. H. L. Q. S.*

---

FRANEQUERAE,  
Apud D. ROMAR, Typographum.  
M D C C C X.





**PARENTIBUS  
SACRUM.**

*O fallacem hominum spem, fragilemque fortunam & inanes nostras contentiones! quæ in medio spatio sæpe franguntur, & corruunt, & ante in ipso cursu obruuntur, quam portum conspiciere potuerunt.*

CICERO.





# QUESTIONES JURIDICÆ INAUGURALES.



## I.

**G**ravissima est illa de testamentorum jure quæstio, quam CICERO memorat *de Orat. Lib. I: 38.* Nimirum, cum de militis cujusdam morte domum falsus ab exercitu nuntius venisset, & pater ejus, re credita, testamentum mutasset, & quem ei visum esset, fecisset heredem, essetque ipse mortuus: res delata est ad Centumviros, cum miles domum revenisset, egissetque lege in hereditatem paternam, atque in ea causâ quæsitum est de jure civili, possetne exheres esse filius, quem pater testamento neque heredem, neque exheredem scripsisset

## 6 QUÆSTIONES JURIDICÆ

sisset nominatim? — In hac igitur causa gravissima, etsi miles in testamento heres non esset scriptus, respondendum tamen arbitror, *non posse*: testatoris enim voluntas verbis in testamento scriptis potior est habenda, quæ qualis hic fuerit, ad conjectandum non est difficile; quem enim quæso heredem pater, nisi falsum accepisset ab exercitu nuntium, potius quam filium instituisset?

In simillimam autem incidi quæstionem in L. 28. D. *de Inoff. test.* obviam; qua de causa cum ad HADRIANUM Imperatorem itum esset, respondit hic, hereditatem matris ad filium quidem illam pertinere, legata autem & libertates esse præstanda. Hoc igitur testamentum item ex conjectura, quam de materna voluntate & pietate fecerat Imperator, diremtum, non vero tamquam inofficiosum rescisum est, id, quod ex iussu Imperatoris de legatorum & libertatum præstatione facile adparet. Ex iis enim testamentis, quæ propter Inofficiosi querelam rescinduntur, nihil prorsus, jure quidem Pandectarum, aut valebat aut debebatur. Atque hac fere ratione ista lex, quæ vulgo inter cruces Ictorum refertur, explananda mihi videtur.

II. Haud

## II.

Haud mediocris item quæstio est apud C I C E R O N E M *ibidem cap. 40.* proposita: Paterfamilias quidam cum ex Hispania Romam venisset, & uxorem prænantem in provincia reliquisset, Romæque alteram duxisset, neque nuntium priori remisisset, mortuusque esset intestato, & ex utraque filius natus esset, quæsitum est de duobus civium capitibus, & de puero, qui ex posteriore natus erat, & de ejus matre. — In qua quæstione bona patris intestato mortui pertinere nobis videntur ad filium ex priori matrimonio susceptum. Nam cum divortium non novis fiat nuptiis, sed certis quibusdam verbis, uti recte C I C E R O animadvertit, mulier, quam Romæ duxit, in concubinae locum ducta est, natusque ex illa concubina filius, cum legitima proles adesset, patris naturalis bona adquirere sibi non potuit.

## III.

Insignis etiam est ea *reticentiæ in emendo-vendendo* causa, quæ duobus a C I C E R O N E locis profertur *de Orat. L. I: 39.* & *de Offic. III: 16.* M. MARIUS GRATIDIANUS C. SERGIO ORATÆ vendiderat aedes eas, quas ab eo-

A 4

dem

## 8 QUÆSTIONES JURIDICÆ

dem ipse paucis ante annis emerat. Eæ serviebant: sed hoc in Mancipio MARIUS non dixerat. Adducta res in iudicium est. ORATAM CRASSUS, GRATIDIANUM defendebat ANTONIUS. Jus CRASSUS urgebat, quod vitii venditor non dixisset sciens, id oportere præstari: æquitatem ANTONIUS, quoniam id vitium ignotum SERGIO non fuisset, qui illas aedes vendidisset, nihil fuisse necesse dici: nec eum esse deceptum, qui id, quod emerat, quo jure esset, teneret. Dubius equidem sum in hacce difficili quæstione, utri eorum *jure Pandectarum* causa fuerit addicenda. Habuit enim ab utraque parte maximam æquitatis speciem. GRATIDIANUS quidem in jure peccavit, quod, cum aedes vendidisset, servire quandam earum partem in mancipii lege non dixit. Quid verò, si illud idcirco omisit, quod ORATÆ bene hoc cognitum esse intelligeret? Sanctum quidem est lege 61. D. *de Ædilitio Edict. quotiens de servitute agitur, victus tantum debet præstare, quanti minoris emisset emtor, si scisset hanc servitutem impositam*. Quis autem potuit ORATA hac lege uti? nam, quo tempore aedes a GRATIDIANO emit, servitutem bene novit iis ædibus esse impositam, quas ipse paucis ante annis GRATIDIANO vendiderat. Quapropter, nisi dolose egerit,

rit, GRATIDIANI causa mihi potior fuisse videtur. —

IV.

Erat Romæ Edictum quoddam Ædilitium, secundum quod, nisi omnia in mancipio vendendo latentia corporis vitia a venditore dicta essent, actio dabatur aut redhibitoria aut æstimatoria. Quærit igitur CICERO *de Offic.* III. 23 dicendane a viro bono etiam ea vitia sint, quæ Edicto non continentur, veluti: mendacem esse servum, aleatorem, furacem, ebriosum. ANTIPATER Philosophus Stoicus ait: DIOGENES item Stoicus non necesse putat. In quo controverso Stoicorum jure ANTIPATRO assentiendum arbitror; & recte omnino, ut videtur mihi, in *L. 19. § 1. D. de Ædit. Edict.* adjectum fuit, venditorem, mancipii laudes prædicantem, eas etiam præstare oportere. —

V.

Dubitatum aliquando fuit, uti adparet ex *Lege ult. C. de neg. gest.*, num actio negotiorum gestorum contraria illi etiam sit concedenda, qui, vetante & prohibente domino, gesserit. Adfirmarunt *Proculeiani*, negarunt vero

## 10 QUÆSTIONES JURIDICÆ

Sabiniani, conf. ECKHARDI *Hermeneut. Jur.* p. 333, atque ab horum partibus nobis quoque standum videtur.

### VI.

Verba Legis 6. D. *de Ritu Nupt.* hæcce: *eum, qui absens accepit uxorem, dein rediens a cœna juxta Tiberim perisset, ab uxore lugendum responsum est*, sine controversia vitio laborant. Videtur autem nobis, pro *perisset* scribendum esse *periit et*, ita, ut *et* hic significet *etiam*.

### VII.

Jure Romano pater filiam dotare debebat, jure vero Gallico (*art. 204.*) & Hollandico novissimo (*art. 277.*) non item. Num vero fatis prudenter hoc loco juri Romano derogatum sit, equidem dubito. Nam, ut videtur mihi, hæc constitutio 1<sup>o</sup> nuptiis potest esse impedimento; 2<sup>o</sup> cum filii plerumque aliquid, quo sustentent sese, addidicerint, æquitas ipsa postulat, ut hujusmodi inpensæ, data filiæ dote, veluti compensentur; 3<sup>o</sup> consentaneum omnino esse videtur, matrimonii onera æquis, ut dicunt, partibus sustineri, ne, si maritus omnia, uxor vero nihil conferat, contentio inde & discordia inter conjuges exoriatur.

### VIII.

VIII.

In *Cod. Gall. art. 912* & *Holl. nov. art. 618*. constitutum est, non licere peregrino homini ex Gallorum aut Hollandorum testamento lucri quid capere, nisi item ex ipsius testamento Galli aut Hollandi capere possint.

Duplex autem hic oritur eaque insignis quaestio: quarum altera est, num hæ leges, in quibus testamentorum tantum fit mentio, etiam de successione ab intestato sint accipiendæ? altera est, an portio, peregrino relicta, eadem esse debeat, atque ea, quam in eadem causa peregrinus Gallo aut Hollando relinquere propter leges possit?

Ad utramque quaestionem adfirmando respondendum esse arbitror.

IX.

Prudenter admodum *art. 463. Cod. Gall.* & *art. 362. Cod. Holl.* vetitum esse videtur, ne tutor pupilli nomine donationes illi oblatas sine familiae (*Jure Gallico*) aut Magistratus (*Jure Holl.*) auctoritate accipiat: potest enim in donationibus acque, atque in hereditatibus damni aliquid latere. Emendatum igitur est hac in re Jus Romanum, secundum quod in oblatis donationibus,

## 12 QUÆSTIONES JURIDICÆ

nibus ne tutoris quidem, nedum Magistratus auctoritate opus erat.

### X.

Non possum, quin MALVILLIO viro gratissimo assentiar, cum in opere Gallico: *Analyse raisonnée du Code Civil*, T. I. pag. 393. seqq. iniquam judicet legem *Codicis Gall.* 384<sup>mam</sup>, qua lege usufructus ex propriis liberorum bonis non ad *xximum*, sed tantum ad inpletum usque *xviiiimum* ætatis annum, parentibus tributus est. — Diverfam vero &, ut videtur mihi, meliorem rationem noster legislator secutus est, cum usumfructum quidem ejusmodi bonorum parentibus non concesserit, sed administrationem tamen iis, tamquam tutoribus, ad *xxiiiiimum* usque ætatis annum mandaverit. vid. art. 284. 285.

### XI.

Prudenti admodum consilio *Jure Gall. & Holl.* in communem pupillorum utilitatem tutores ejusmodi constituti sunt, quales Romani *honorarios* dixere (vid. L. 3 § 2. D. *de admin. & peric.* & L. 14. § 1. D. *de Solut.*). Recte autem in *Cod. nostro art. 218.* hoc insuper fuit adjectum, debere quemcunque tutorem administratorem quovis anno hujusmodi tutori subrogato sive honorario tutelæ reddere rationes. — XII.



## XII.

Docet nos MALVILLIUS II. p. 179., in articulis *Cod. Gall.* 162. 163. 164. hoc Senatus consulto esse decretum, prohibitas fore nuptias inter fratrem & sororem adfinem, idque absolute; nuptias autem avunculi cum fratris sororisve filia aut materteræ cum filio fratris vel sororis prohibitas quidem illas fore, sed posse tamen quibusdam in causis ad istas contrahendas veniam a Principe impetrari. Hoc igitur Senatus-consultum, si verum fateri licet, dubito an juris rationi conveniat. Etenim 1<sup>o</sup> nullum est inter fratrem & sororem affinem aliud, præterquam affinitatis, vinculum; quin immo 2<sup>o</sup> hujusmodi nuptiæ, quæ hic absolute proscribuntur, habent, quo se magnopere commendent, si quando ex priori matrimonio liberi nati superstites sint, 3<sup>o</sup>. in avunculo vero & matertera adest ille parentelæ respectus, uti dicitur, cujus Romani maximam rationem habuere, cui accedit, quod propter cognationem et ætatem plerumque discrimen haud levis turpitudine istiusmodi nuptiis inesse videtur. Quapropter statuo, consentaneum magis esse, veniam istam Principis plane negari in avunculorum et matertrarum,

quam

## 14 QUÆSTIONES JURIDICÆ

quam fratrum & sororum affinium nuptiis;  
prout fancitum est in *Cod. Holl.* art. 106. —

### XIII.

Vulgaris quidem est opinio, confirmata illa  
plerorumque Latinorum scriptorum testimoniis,  
populum Romanum intestinas discordias pertae-  
sum, misisse in Græciam, qui inclytas SOLONIS  
leges describerent. conf. LIVIUS *Hist. L. III:*  
31. Verum tamen, si positis opinionibus præ-  
judicatis, rem ipsam accuratius investigemus,  
haud contemnenda sunt, quæ nonnulli inter vi-  
ros doctos contra hanc traditionem attulerunt,  
argumenta, quorum summa eo redit:

- 1°. CICERO ipse, etsi Legum XII Tabb.  
sæpissime mentionem facit, de legatione  
tamen petendarum legum causa in Græ-  
ciam facta, nusquam memorat; quin immo
- 2°. Exstat in libris *de Oratore L. I: 44.* locus  
quidam insignis, qui, si qui alius, opinio-  
ni vulgari valde est contrarius: verba  
sunt CRASSI, de utilitate juris disferentis:  
*Percipietis etiam (inquit) illam ex cognitione  
iuris letitiam & voluptatem, quod, quantum  
præstiterint nostri majores prudentia ceteris  
gen-*

gentibus, tum facillime intelligetis, si cum illorum Lycurgo, & Dracone, & Solone nostras leges conferre volueritis. Incredibile est enim, quam sit omne jus civile, præter hoc nostrum, inconditum, ac pæne ridiculum: de quo multa soleo in sermonibus quotidianis dicere, cum hominum nostrorum prudentiam ceteris omnibus, & maxime Græcis antepono.

3°. Altum etiam est hac de re apud ipsos scriptores Græcos silentium.

4°. Fuit illis temporibus Romæ HERMODORUS exul Ephesius, magnæ vir doctrinæ, ut videtur, & auctoritatis. Hic igitur, cum Græcorum leges & instituta bene percepta haberet, facillime quædam cum Decemviris potuit communicare; constat enim, magnam hunc apud eos in constituendis legum Tabulis gratiam inivisse. —

#### XIV.

Inter Romuli, primi Romanorum regis, instituta tria feruntur, maxime illa propter Politicam ipsorum prudentiam laudanda;

1°. *Edictum de hostibus bello captis non vendendis, sed in novam urbem traducendis.*

Quo

## 16 QUÆSTIONES JURIDICÆ

Quo potissimum instituto factum est, ut brevissimo tempore Romanorum opes incredibiliter auctæ sint, & finitimorum quorumque populorum longe superarint.

2º. *Ius Patronatus*, quod erat mutuum officiorum veluti vinculum, quo Patricii & Plebei ita colligati sunt, ut diutissime inter utrumque ordinem concordia servata sit. Plura vidd. apud HEINECCIUM *Antiq. Rom.* L. I. TIT. 2.

3º. *Agrorum colendorum cura*. Vita enim rustica, uti CICERO ait, *Orat. pro S. Roscio Amer.* c. 14., maxime disjuncta a cupiditate est, & cum officio conjuncta. —

### XV.

Non assentior CRASSO Icto illi & oratori excellentissimo, cum apud CICERONEM *de Orat.* L. I. 44. dicat: *Fremant omnes licet; dicam, quod sentio: bibliothecas mehercule omnium philosophorum unus mihi videtur XII tabularum libellus, si quis legum fontes & capita viderit, & auctoritatis pondere & utilitatis ubertate superare.*

Nam, etsi plures in illis leges utilissimæ deprehendantur, haud paucae tamen ab inhumanitate & superstitione illorum temporum profectæ esse videntur.

### XVI.

## XVI.

Postquam Patriciorum opera Tarquinius Superbus fuit pulsus, imperii forma, qua Romani deinceps usi sunt, non Democratica illa fuit, sed Aristocratica, idque prudenti admodum consilio. Nam, quod recte animadvertit L. VESQUIUS V. Cl. in *Hist. Crit. de la Repl. Rom. Tom. I. p. 111.* si effrenatus libertate populus jam tum supremam in civitate potestatem occupavisset, optimi quique cives potentiores brevi e medio fuissent sublati, & respublica sua ipsa vi interiisset. —

## XVII.

Jurisconsulti Romani Stoicorum Philosophiæ inprimis fuerunt dediti, & recte quidem: vellem tamen, ut dicam quod sentio, majorem illi Academicorum & Peripateticorum Philosophiæ rationem habuissent, Stoicorum enim orationis genus, quod exile fuit, inusitatum, abhorrens vulgi, ab auribus obscurum, inane, jejunum, ac totum ejusmodi, quo uti ad vulgus nullo modo possit, uti CICERO ipse testatur *de Orat. L. III. 18.* nimium quantum ab illis expresum esse videtur, contra vero *ex Academicorum & Peripateticorum veterum scriptis & institutis cum omnis*

B

doc.

*doctrina liberalis, omnis historia, omnis sermo elegans sumi potest, tum varietas est tanta artium, ut nemo sine eo instrumento ad ullam rem illustriorem satis ornatus possit accedere. CIC. de Fin.*  
v. 3.

## XVIII.

Melius iidem, quod Epicuream istam Philosophandi rationem contemserint, utpote vero Icto minime congruam, quod egregie CICERO docet in Epist. ad TREBATIUM TESTAM Ictum celeberrimum, (Ep. 12. Lib. VII.) quem Epicureum esse factum audiverat — *quoniam modo (inquit) jus civile defendes, quum omnia tua caussa facias, non civium? ubi porro erit formula fiducia: UT INTER BONOS BENE AGIER OPORTET? quis enim est bonus, qui facit nihil, nisi sua caussa? quod jus statues COMMUNI DIVIDENDO, quum commune nihil possit esse, apud eos, qui omnia voluptate sua metiuntur? quomodo autem tibi placebit JOVEM LAPIDEM jurare, quum scias Iovem iratum esse nemini posse? quid porro fiet populo Ulubrano, si tu statueris, πολιτῖσι δαι non oportere.*

## XIX.

Quapropter vere & egregie utique dixit ER-  
NES-

NESTUS in dedicatione præclara opp. Cicer. p. 58. 59. *dignos esse, qui per totam vitam studiose legantur Pythagoreorum, Academicorum, & Peripateticorum libros superstites, quippe quibus ejusmodi Philosophia recondita est, quæ ceteris disciplinis liberalibus artiffime esset conjuncta, contra vero ex Zenonis atque Epicuri verborum opificum Philosophia segregata illa a ceteris humaniorum literarum partibus jejunam & ad vitam parum utilem Philosophiam esse natam.*

## XX.

Fundamentum omnium legum, quibus Jus Naturæ continetur, sive principium cognoscendi, in eo positum esse videtur, quod actiones quisque suas ita regere debeat, ut perfecta ceterorum hominum jura earum exercitio non laedantur. Atque hinc facile intelligitur, cujusmodi sit doctrina HOBBSII qui justum natura ab injusto distingui negavit, statuitque, licere cuique, nulla habita alicujus hominis ratione, facere quodcunque libuerit, modo persuasum sibi habeat, esse illud ad beate vivendum sibi necessarium.

## XXI.

Diversæ sunt invicem virorum doctorum de

## 20 QUÆSTIONES JURIDICÆ

Poenarum origine sententiae, dubitant enim, utrum a jure naturae, an a pacto, an ab ipsa demum imperii notione illae profectae sint, quod ad primam attinet sententiam, displicet illa nobis idcirco, quod secundum Juris Naturae principia, propter communem illam omnium hominum aequalitatem, poena alteri ab altero infligi non possit, sed damni tantum reparationi locus sit. Ad postremam autem sententiam, quo minus accedamus, obstat, quod equidem non video, quare non imperii notio sine legum poenaliū ferendarum jure in animis nostris informari possit. Restat igitur illorum sententia, qui poenas a pacto profectas esse arbitrentur, maxime illa nobis probabilis; quid enim vero videtur esse similis, quam homines cum in societates se contulissent, in id convenisse, ut injuriarum deinceps ab improbis hominibus illatae non modo repararentur, sed etiam, quo quisque in civitate tutior esset, ita vindicaretur, ut poenae metu a flagitiis deterrerentur improbi?

### XXII.

Etsi negant HOBBIUS & PUFFENDORFIUS, est tamen *naturalis* quaedam inaequalitas, quae ab educationis obligatione, ceterisque inter



ter parentes & liberos necessitudinibus proficiscitur.

## XXIII.

Recte Cl. PESTELIUS in *Fundam. Jurisprud. Nat.* p. 803 ait: *ille leges de criminibus sunt optime, quæ nullo aut minimo innocentium periculo, & levissimo fontium malo necessaria ad securitatem & prosperitatem publicam instituta sanciant.*

## XXIV.

Saepe mirari fubit, in plerisque patriae nostrae regionibus publica auctoritate constitutos esse, qui criminis suspectos reos facerent, defensionem vero reorum aut junioribus committi causarum patronis rerum forensium nondum factis peritis, aut senioribus quidem, sed iis, propter varias muneris occupationes, nimis distictis. Vellem igitur, publicos eligi defensores, qui ad solam reorum defensionem summa cura animum intenderent, neque alius generis negotiis ab egregio hoc & humanissimo munere abduci se paterentur.

## XXV.

Etsi tanta est Corporis Juris Romani præstantia, ut nullis obtreptatorum criminationibus

## 22 QUÆSTIONES JURIDICÆ

labefactari illud possit, negari tamen ab aquis rerum arbitris non potest, Libros XLVII & XLVIII terribiles vulgo dictos, Juri Criminali addiscendo nequaquam sufficere. Pleraeque enim Leges Corneliae, Juliae, aliae, in constituendis poenis, temporum magis, quam ipsius Philosophiae, sine qua vanum est omne juris criminalis studium, rationem habuisse videntur.

### XXVI.

Cum ea sit rerum humanarum conditio, ut nihil ab omni parte perfectum, aut consummatum esse possit, facile intelligitur, nullam quoque civitatem, ne optimam quidem, assidue stare & florere posse, nisi maxima cura, tamquam manus quaedam emendatrix (rectificeerzorg dicatur) identidem admoveatur.

### XXVII.

Et si luxus beatas plerumque urbes perdit, & evertit, est tamen quidam, moderatus ille & intra justos limites positus, qui non modo non nocet, sed communibus civium commodis quam maxime conducit. Quapropter, uti recte dixit PESTELIUS *ll. p. 322. asseri nequit, nullum posse luxum conjungi cum quadam parcimonia tempestitiva, magnisque impendiis semper effundi*  
pa-

*patrimonium, hæc potius societati profunt, dum alunt eos, & nonnumquam locupletant, qui opera sua questum facere, quam aliena desides stipe nutrirî malunt, hoc est, agricolas, opifices, mercatores.*

## XXVIII.

Notatu etiam digna sunt hæc ejusdem Viri Cl. PESTELII verba: *suo robore nisi semper conduit, sed non semper conduit, aliena valere imbecillitate, interest quandoque gentis, superesse gentem, quam æmuletur. Fervens studium populi alios populos debilitandi, ut illis ob virium inopiam timidus imperet, plerumque desinit in propriam debilitatem. Roma, dum Carthaginem delet, in ruinam prolabitur. Cum foris non haberet hostem, quem pertimesceret, domi invenit. ll. p. 818. Cul- pandus itaque, magis quam laudandus est C- A- T- O Cenforius, qui cum sententiam ~~illam~~ in senatu aliqua de re rogaretur, illud semper ad- jicere solitus erat: *Carthaginem delendam esse censeo.**

## XXIX.

Quandoquidem mens et animus et consilium et sententia civitatis posita est in legibus, eaeque ad salutem civium, civitatumque incolunitatem vitamque hominum quietam et bea-

tam conditae sunt, uti verissime Cicerō ait in *Orat. pro A. Cluentio c. 53* et *de Legg. L. II. c. 5*. laudabilia sunt omnia istiusmodi instituta, quae ad curandas et tuendas leges pertinent. Hoc autem nomine maxime se commendat illud Atheniensium institutum, quod ÆSCHINES Orator memorat, in *Orat. contra Ctesiph.* p. 430 *ed. Reisk.* secundum quod, quovis anno legum examen a Thesmothetis instituebatur, et diligentissime inquirebatur, num aliqua lex alteri esset contraria, aut abrogata quaedam inter ratas locum haberet, aut plus esset, quam una de eadem re sancita.

## XXX.

Quemadmodum tenerae arborum plantae, nisi diligentissime curentur, nullos utiles fructus proferre possunt, sic etiam infantes, nisi a teneris inde ad optima quaevis animi eorum informantur, et pulcri iis honestique sensus instilletur, cum adulti sint, nihil quod in communem redundet civitatis utilitatem, producere possunt. Qua de re egregie monuit PLATO. *Eutyph.* p. 2. C.









